

C A I B. XXIV.

thu seachad i, guidheam ort, éisd rium: bheir mi dhuit airgid air son an achaidh, gabh uam e, agus adhlaidh mi mo mharbh 'an sin.

14 Agus fhreagair Ephron Abraham, ag ràdh ris,

15 Mo thighearna, éisd rium: *is fu* an t-achadh ceithir cheud fecel airgid; ciod sin eadar mis' agus thusa? uime sin adhlaidh do mo mharbh.

16 Agus dh'éisd Abraham re h-Ephron, agus thomhais Abraham do Ephron an t-airgid, a dh'ainmich e ann an éisdeachd mhac Het, ceithir cheud fecel airgid, a ghabhas an ceannaiche ^a.

17 Agus rinneadh achadh Ephron, a *bha* ann am Machpelah, a *bha* fa chomhair Mhamre, an t-achadh, agus an uaimh a *bb' ann*, agus gach craobh a *bha* 'san achadh, a *bha* 'na chrìch uile mu'n cuairt,

18 Daingean do Abraham mar sheilbh, ann an làthair cloinne Het, am fianuis gach neach a chaidh steach air geatadh a bhaile-fan.

19 Agus 'an déigh sin dh'adhlaidh Abraham Sarah a bhean, ann an uaimh achaidh Mhachpelah, fa chomhair Mhamre: *is e* sin Hebron ann an tìr Canaan.

20 Agus rinneadh an t-achadh, agus an uaimh a *ta* ann, daingean do Abraham, mar sheilbh àit'-adhlaidh, le mic Het.

C A I B. XXIV.

A GUS bha Abraham fean, agus air teachd gu h-aois

mhòir ^b, agus bheannaich an Tighearn Abraham 'fna h-uile nithibh.

2 Agus thubhairt Abraham r'a sheirbhiseach bu fhine 'na thigh, aig an robh riaghladh gach ni bh'aige, Cuir, guidheam ort, do lamh fuidh fhliasaid;

3 Agus bheir mi ort mionnachadh air an Tighearna, Dia nèimh, agus Dia na talmhainn ^c, nach gabh thu bean do m' mhac do nigheanaibh nan Canaanach, am measg *am bheil* mis a m' chòmhnuidh:

4 Ach théid thu do m' dhùthaich féin, agus a chum mo luchd-dàimh ^d, agus gabhaidh tu bean do m' mhac Isaac.

5 Agus thubhairt an feirbhiseach ris, Ma's e 's nach bi bhean toileach air mis' a leantuin do'n tìr so, an éigin domh do mhac a thoirt air ais a rìs do'n tìr as an d'thàinig thu?

6 Agus thubhairt Abraham ris, Thoir an ro-aire ^e nach d'thoir thu mo mhac 'an sin a rìs ^f.

7 An Tighearna, Dia nèimh, a thug mise o thigh m'athar, agus o thìr mo dhilsean, agus a labhair rium, agus a mhionnaich dhomh, ag ràdh, Do d' fhliochd bheir mi am fearann so; cuiridh efan aingeal féin romhad, agus gabhaidh tu bean do m' mhac as sin.

8 Agus mur bi bhean toileach air thus' a leantuin, 'an sin bitidh tu faor o m' mhionnaibh so: a mhàin na d'thoir mo mhac 'an sin a rìs.

9 Agus chuir an feirbhiseach a lamh fuidh fhliasaid Abraham

^a maranta. ^b air dol air aghaidh gu math am bliadhnaibh. ^c an talmhainn. ^d mo dhilsean. ^e Bi air do ro-fhaicill. ^f a rìst.